



মার্কিন বার্তা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

২১ জুন ২০০৭

মার্কিন কনসুলেটের উদ্যোগে উত্তরবঙ্গে দু'দিনের ইংরেজি শিক্ষার কর্মশালা ২৫-২৬ জুন

কলকাতা -- আগামী ২৫ ও ২৬ জুন উত্তরবঙ্গের বালুরঘাটে দু'দিনের ইংরেজি শিক্ষার কর্মশালার আয়োজন করছে কলকাতার আমেরিকান কনসুলেট। বিশিষ্ট মার্কিন বিশেষজ্ঞ জেনিফার ফ্রেভাল কর্মশালাটি পরিচালনা করবেন। বিভিন্ন স্কুলের অন্তত ৫০ জন ইংরেজির শিক্ষক-শিক্ষিকা তাতে অংশগ্রহণ করবেন। বালুরঘাট পুরসভা এই অনুষ্ঠান অয়োজনে সহায়তা করছে। এবারই প্রথম মার্কিন কনসুলেট উত্তরবঙ্গের একটি জেলায় এমন এক কর্মশালার ব্যবস্থা করল। বিদ্যালয় স্তরে ইংরেজি শেখানোর নানা রীতি-নীতির ওপর এই কর্মশালায় আলোকপাত করা হবে। এগুলির মধ্যে থাকবে “ভাষা শিক্ষা ও শিক্ষার্থীর কৌশল,” “গানে গানে ইংরেজি” এবং “চিত্তার শক্তি বাড়াতে বিতর্কমূলক সাজানো কথোপকথন” সহ বিভিন্ন বিষয়। উপস্থিত শিক্ষক-শিক্ষিকাদের সক্রিয় অংশগ্রহণে উৎসাহ দিতে থাকবে “ব্যাকরণের খেলা”।

পূর্বাঞ্চলে ইংলিশ ল্যাঙ্গুয়েজ ফেলো (ইএলএফ) প্রোগ্রামের সূচনা হয়েছিল ২০০৫ সালের নভেম্বরে। ইএলএফ কর্মসূচীর মাধ্যমে বিশ্বের নানা দেশে ইংরেজি শিক্ষার প্রসার ঘটানো হয়। একই সঙ্গে আমেরিকা ও অন্যান্য দেশের মানুষের মধ্যে ঘনিষ্ঠ ভাবে গড়ে ওঠে পারস্পরিক বোঝাপড়া। এই কর্মসূচী অনুযায়ী দুনিয়ার সব অঞ্চলে উচ্চ যোগ্যতা সম্পন্ন ইংরেজির শিক্ষক-শিক্ষিকা পাঠানো হয়। বিভিন্ন দেশের মার্কিন দূতাবাস ও কনসুলেট আয়োজিত অনুষ্ঠানে যোগদানের মাধ্যমে এই মার্কিন শিক্ষক-শিক্ষিকারা সংশ্লিষ্ট দেশের মানুষের সঙ্গে যেমন নিজেদের অভিনব দৃষ্টিভঙ্গী ও পারদর্শিতার আদান-প্রদান ঘটান তেমনি নিজেরাও তা থেকে আন্তর্জাতিক অভিজ্ঞতা অর্জন করেন। মার্কিন বিদেশ দপ্তরের অধীন সাংস্কৃতিক বিষয়ক ব্যুরোর অর্থানুকুল্যে এই ইএলএফ কর্মসূচী চলছে এবং তার রূপায়ণের দায়িত্বে রয়েছে ওয়াশিংটন, ডি সি-র জর্জটাউন বিশ্ববিদ্যালয়ের অন্তর্গত সেন্টার ফর ইন্টারকালচারাল এডুকেশন অ্যান্ড ডেভেলপমেন্ট (সিআইইডি)। ভারতে বর্তমান দায়িত্বে আসার আগে ফ্রেভাল কলোরাডোর ডেনভার বিশ্ববিদ্যালয়ের সঙ্গে যুক্ত ছিলেন। শিক্ষার সরঞ্জাম উদ্ভাবন, পরীক্ষা পদ্ধতি ও পাঠ্যক্রম নিরূপণ এবং ওয়েবসাইট গড়ে তোলায় তাঁর যথেষ্ট অভিজ্ঞতা রয়েছে।
